


სათაგური


ვაჟა-ფშაველას მიხედვით



ილუსტრატორი:
მაია ბათუმაშვილი



გაკურსულაკაურის
გამომცემლობა



შობის საღამო იყო. ესტატე
ქალაქიდან ბრუნდებოდა.

აჩუ, ცხენო!

ესტატე სწრაფად
მიაჭენებდა ცხენს, რომ
შობას შინ შეხვედროდა.



ცხენიც თავს არ ზოგავდა და
მოქროდა გაყინულ გზაზე.

ესტატემ ცხენი სახლთან
მიაყენა და დაიძახა:



– ხალხო, სტუმარი არ გინდათ?




პაპა მოვიდა!
პაპა მოვიდა!

სონა და კოლა ჟრიაბულთ
გამოცვივდნენ აივანზე.



მერე კიბეზე ლამპით ხელში
გამოჩნდა ჩამრგვალებული
დედაკაცი. ეს იყო ესტატეს
მეუღლე, ეფემია.


– ადამიანო, გაგონილა ამ
შუალამისას სიარული?
ნადირის მაინც არ გეშინია? –
ბუტბუტებდა ეფემია.



ქალო, ეფემიავ,
ნადირი მე რას
შემაშინებს?!

– სათაგური არ მოიტანე?
ჩუსტები? წულეები? საკაბე? –
შეეგებნენ ბავშვები პაპას.



An illustration of a woman wearing a blue hood and a green shawl with blue stripes, talking to a horse with a black mane and a red halter. They are in a snowy, blue-toned landscape. A pig is visible in the foreground.

ცოტა დაისვენოს
და მერე ქერს
დავუყრი!

– ყველაფერი მოგიტანეთ,
შვილებო, ყველაფერი! –
ამბობდა ესტატე და თან
ცხენს ხურჯინსა ხდიდა.

ესტატე შინ შევიდა და
გახურებულ ბუხარს მიაშურა.



ხურჯინი ტახტზე დადო...